



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama broj 08-02-2-3567-1/2024 od 25.09.2024. godine, na preporuku Komisije za javne nabavke od 26.02.2025. godine, direktor Sekretarijata Visokog sudskog i tužilačkog vijeća Bosne i Hercegovine, donosi

## **ODLUKU** **o izboru najpovoljnijeg ponuđača**

### Član 1.

(Predmet odluke)

Ugovor o nabavci usluga LOT 1 – Usluge štampanja i grafičkih rješenja se dodjeljuje ponuđaču **GONG d.o.o.**, za ponuđenu ukupnu vrijednost 18.739,70 KM bez PDV-a.

### Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku (okvirni sporazum sa jednim dobavljačem).

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji broj 05-16-4-333-2/2025 od 23.01.2025. godine.

### Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u Tenderskoj dokumentaciji.

## **Obrazloženje**

Postupak javne nabavke proveden je putem otvorenog postupka (okvirni sporazum sa jednim ponuđačem). Obavještenje o nabavci objavljeno je u sistemu „E-nabavke“, broj obavještenja o nabavci broj 172-1-2-27-3-22/25 objavljeno dana 23.01.2025. godine. Primljene su ponude ponuđača: ŠTAMPARIJA FOJNICA D.D. Fojnica, BLICDRUK d.o.o. Sarajevo, PRIMAPROM d.o.o. Banja Luka, GRAFIČAR d.o.o. Bihać, GONG d.o.o. i Svetlost-BH print d.o.o. Sarajevo.

Komisija za nabavke imenovana Rješenjem, broj 05-16-4-4614-1/24 od 30.12.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-333-32/25 od 26.02.2025. godine (u daljem tekstu: Zapisnik) je u prilogu ove odluke) i utvrdila sljedeće:

Komisija za nabavke je ponuđaču GONG d.o.o., uputila Zahtjev za pojašnjenje neprirodno niske cijene, broj 05-16-4-333-24/25 od 14.02.2025. godine.

Ponuđač je pojašnjenje neprirodno niske cijene dostavio do roka utvrđenog u zahtjevu i isto je od strane Komisije za nabavke ocijenjeno prihvatljivim.

Zahtjev za pojašnjenje neprirodno niske cijene, kao i pojašnjenje neprirodno niske cijene je sastavni dio Zapisnika.

Komisija za nabavke je ponuđaču BLICDRUK d.o.o. Sarajevo uputila Zahtjev za prihvatanje ispravke računске greške, broj 05-16-4-333-26/25 od 14.02.2025. godine.

Ponuđač je svoju saglasnost na Zahtjev za prihvatanje ispravke računске greške dostavio do roka utvrđenog u zahtjevu i ista je od strane Komisije za nabavke ocijenjena prihvatljivom.

Komisija za nabavke je ponuđaču Svjetlost-BH print d.o.o. Sarajevo uputila Zahtjev za prihvatanje ispravke računске greške, broj 05-16-4-333-27/25 od 14.02.2025. godine.

Ponuđač je svoju saglasnost na Zahtjev za prihvatanje ispravke računске greške dostavio do roka utvrđenog u zahtjevu i ista je od strane Komisije za nabavke ocijenjena prihvatljivom.

Zahtjevi za prihvatanje ispravke računске greške, kao i pripadajuće saglasnosti su sastavni dio Zapisnika.

Ponuda ponuđača GRAFIČAR d.o.o. Bihać se odbacuje jer ponuđač nije ispunio zahtjeve iz tenderske dokumentacije, broj 05-16-4-333-2/25 od 23.01.2025. godine (u daljem tekstu: TD), a u skladu sa članom 68. stav (1) Zakona o javnim nabavkama.

Ugovorni organ je tačkom 5.3.1. a) TD, u svrhu ispunjavanja uslova za kvalifikaciju, od ponuđača zahtijevao da raspolaže sa najmanje dva stručnjaka koji su odgovorni za pružanje usluga koji posjeduju odgovarajuće kvalifikacije, i to da posjeduju najmanje SSS grafičke struke.

Nadalje, ugovorni organ je u svrhu ispunjavanja uslova za kvalifikaciju zahtjevanih tačkom 5.3.1. a) TD, između ostalog, tačkom 5.3.2. a) TD zahtijevao da ponuđači u svojoj ponudi, za svakog od ponuđenih stručnjaka, dostave Izjavu angažiranog stručnjaka, ovjerenu od strane nadležnog organa (sud, notar ili općina), da će angažovani stručnjak biti dostupan i angažiran od ponuđača za vrijeme trajanja predmetnog ugovora (Izjava o ekskluzivnosti i dostupnosti u formi utvrđenoj Aneksom 5a TD).

GRAFIČAR d.o.o. Bihać je svrhu dostave dokaza zahtjevanih tačkom 5.3.2. a) TD, u svojoj ponudi, broj 01-036/25 od 30.01.2025. godine (u daljem tekstu: Ponuda), na stranici 35., dostavio Izjavu u formi utvrđenoj Aneksom 5a TD, ovjerenu od strane nadležnog organa (sud, notar ili općina) za jednog stručnjaka – Mehmeda Felića. Međutim, daljim pregledom ponude, Komisija za nabavke je utvrdila da GRAFIČAR d.o.o. Bihać nije dostavio zahtijevani dokaz (Izjavu u formi utvrđenoj Aneksom 5a TD) za drugog predloženoj stručnjaka – Suadu Smajić.

Ponuda ne ispunjavanja zahtjeve iz TD jer je GRAFIČAR d.o.o. Bihać dostavio Izjavu u formi utvrđenoj Aneksom 5a TD, ovjerenu od strane nadležnog organa (sud, notar ili općina samo za jednog stručnjaka, a ne za dva, kako je to zahtijevano tačkom 5.3.2. a) TD, a u svrhu ispunjavanja uslova za kvalifikaciju iz tačke 5.3.1. a) TD.

U skladu sa prethodno navedenim, Ponuda ponuđača GRAFIČAR d.o.o. Bihać je ocijenjena neprihvatljivom.

Nadalje, ta. 6.1.6. i 6.1.7. TD definisan je način pripreme ponude, tačnije da ponuda mora biti čvrsto uvezana (osigurana jemstvenikom ili ukoričena u knjigu) na način da se onemogućí naknadno vađenje ili umetanje listova. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. U tom slučaju svaki dio se čvrsto uvezuje na način da se onemogućí naknadno vađenje ili umetanje listova.

Ponuda ponuđača GRAFIČAR d.o.o. Bihać se sastojala iz dva dijela i to od dijela „Dokazi za kvalifikaciju“ i „LOT 1: Ponuda za usluge štampanja i grafičkih rješenja“. Dio „Dokazi za kvalifikaciju“ je čvrsto uvezan tačnije ukoričen je u knjigu, međutim dio „LOT 1: Ponuda za usluge štampanja i grafičkih rješenja“ nije čvrsto uvezan tačnije dva lista koja pripadaju dijelu „LOT 1: Ponuda za usluge štampanja i grafičkih rješenja“, nisu čvrsto uvezana (osigurana jemstvenikom ili ukoričena u knjigu) već su samo zaheftana.

Ponuda ne ispunjavanja zahtjeve iz TD jer je GRAFIČAR d.o.o. Bihać nije na pravilan način osigurao dio ponude „LOT 1: Ponuda za usluge štampanja i grafičkih rješenja“, kako bi onemogućio naknadno vađenje ili umetanje listova.

S tim u vezi, Ponuda ponuđača GRAFIČAR d.o.o. Bihać je ocijenjena i nepravilnom.

Ponude ponuđača ŠTAMPARIJA FOJNICA D.D. Fojnica, BLICDRUK d.o.o. Sarajevo, PRIMAPROM d.o.o. Banja Luka, GONG d.o.o. i Svjetlost-BH print d.o.o. Sarajevo su ocijenjene kao prihvatljive, budući da su u skladu sa uslovima iz TD i u okviru budžeta planiranog za predmetnu nabavku.

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije ("Sl. glasnik BiH", broj 80/23). Ponuđači ŠTAMPARIJA FOJNICA D.D. Fojnica, BLICDRUK d.o.o. Sarajevo, PRIMAPROM d.o.o. Banja Luka, GONG d.o.o. i Svjetlost-BH print d.o.o. Sarajevo su kvalifikovani učesnici u postupku e-aukcije.

Nakon provedenog postupka e-aukcije prvorangirani ponuđač je GONG d.o.o., čija ponuda zadovoljava sve uslove iz TD i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-333-30/25 od 20.02.2025. godine, je u prilogu Zapisnika i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **GONG d.o.o.**

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-333-34/25

Datum: **27.02.2025** godine

  
Direktor Sekretarijata  
Admir Suljagić

Dostavljeno:

- Ponuđačima,
- Odjelu za finansije i računovodstvo,
- a/a.